

歷代帝王宅京記卷十一

崑山顧炎武著

吳縣朱記榮校刊

鄴上

魏

三國志魏太祖本紀曰漢建安十三年春正月作元武池以肄舟師

十五年冬作銅爵臺

十八年秋九月作金虎臺鑿渠引漳水入白溝以通河宋書禮志曰建安二十二年魏國作泮宮于鄴城內又曰建安十八年七月始建宗廟于鄴

後趙

歷代帝王宅京記卷十一

宋氏槐廬校刊

晉書載記曰石勒令少府任汪都水使者張漸等監營鄴宮

石虎使牙門將張彌徙洛陽鐘虞九龍翁仲銅駝飛廉于鄴鐘一沒于河募浮沒三百人入河繫以竹絙牛百頭鹿樞引之乃出造萬斛舟以渡之以四輪纏輜車轍廣四尺深二尺運至鄴

又納解飛之說于鄴正南投石于河以起飛橋功費數千億萬橋竟不成役人飢甚乃止

虎于襄國起太武殿于鄴造東西宮太武殿高二丈八尺以文石絳之下穿伏空置衛士五百人于其中東西七十五步南北六十五步皆漆瓦金鐺銀楹金柱球簾

玉壁窮極技巧又起靈風臺九殿于顯陽殿後選士庶之女以充之

虎盛興宮室于鄴起臺觀四十餘所營長安洛陽二宮作者四十餘萬人

虎使尙書張羣發近郡男女十六萬車十萬乘運土築華林苑及長牆於鄴北廣長數十里以燭夜作起三觀四門三門通漳水皆鐵扉暴風大雨死者數萬人爲鑿北城引水于華林園城崩壓死者百餘人

五行志曰石季龍時鄴城鳳陽門上金鳳凰二頭飛入漳河

燕

歷代帝王宅京記卷十一

二

宋氏槐廬校刊

晉書載記曰慕容儁自薊城遷于鄴繕修宮殿復銅雀臺

慕容垂克鄴以鄴城廣難固築鳳陽門大道之東爲隔城

後魏

宋書魯秀傳曰成告拓跋燾鄴民欲據城反遣秀檢察并燒石虎殘宮殿

魏書高祖本紀曰太和十七年冬十月癸卯幸鄴城初帝之南伐也起宮殿于鄴西十一月癸亥宮成

十八年春正月丁未朔朝羣臣于鄴宮澄鸞殿
口口口口曰孝文經鄴登銅雀臺崔光曰鄴城平元千

聖漕運四通有西門史起遺跡可以饒富請都之孝文曰鄴城非長久之地石虎傾于前慕容滅于後國富主奢暴成速敗且西有枉人山東有列人縣北有柏人城君子不飲盜泉惡其名也

張熠傳曰天平初遷鄴州創右僕射高隆之吏部尙書元世儁奏曰南京宮殿毀撤送都連筏竟河首尾大至自非賢明一人專委受納則恐材木耗損有闕經構熠清貞素著有稱一時臣等輒舉爲大將詔從之

孝靜帝本紀曰天平元年冬十一月庚寅車駕至鄴居北城相州之廨改相州刺史爲司州牧魏郡太守爲魏尹徙鄴舊人西徑百里以居新遷之人分鄴置臨漳縣

歷代帝王宅京記卷十一

三

朱氏槐廬校刊

以魏郡林慮廣平陽邱汲郡黎陽東濮陽清河廣宗等郡爲皇畿閏十二月初置四中郎將于礪石橋置東中蒲泉置西中濟置南中名水置北中

二年秋八月甲午發中七萬六千人營新宮

四年夏四月辛未遷七帝神主入新廟

興和元年秋九月甲子發畿內民夫十萬人城鄴城四十日罷冬十一月新宮成

二年春正月丁丑御新宮

武定四年秋八月移洛陽漢魏石經于鄴

北齊書辛術傳曰解褐司空胄曹參軍與僕射高隆之共典營構鄴都宮室術有思理百工克濟

高隆之傳曰爲尙書令右僕射領營構京邑制度莫不由之增築南城周迴二十五里以漳水近于帝城起長堤以防泛溢之患又鑿渠引漳水同流城郭造治碾磑有秋於時

魏書李業興傳曰遷鄴之始起部郎中辛術奏曰今皇居遷御百度創始營構一興必宜中制上則憲章前代下則模寫洛京今鄴都雖舊基址毀滅又圖記參差事宜審定臣雖膺職司學不稽古通直散騎常侍李業興碩學通儒博聞多識千門萬戶所宜訪詢今就求之披圖案記考定是非參古雜今折中爲制召畫工并所須調度具造新圖申奏取定庶經始之日執事無疑詔從

歷代帝王宅京記卷十一

四

朱氏槐廬校刊

之

地形志曰司州治鄴城太祖天興四年置相州天平元年遷都改魏尹天平初改

鄴都晉屬天平初併蕩陰安陽屬之蕩陰太和中置關今罷有西門豹祠武城牖里城蕩成石竇堰有南部右部西部天平中決漳水爲萬金渠今世號天平渠

齊

北齊書文宣帝本紀曰天保元年秋八月詔文襄皇帝所運蔡邕石經五十二枚移置學館依次修立

二年秋七月己卯改顯陽殿爲昭陽殿

冬十月戊申起宣光建始嘉福仁壽諸殿

七年夏四月丁卯造金華殿

是年修廣三臺宮殿

九年秋八月先是發丁匠三十餘萬營三臺于鄴下因其舊基而高博之大起宮室及遊豫園至是三臺成改銅雀曰金鳳金虎曰聖應冰井曰崇光冬十一月甲午帝至自晉陽登三臺御乾象殿朝讌羣臣並命賦詩武成帝本紀曰河清二年夏五月壬午詔以城南雙堂閨位之苑迴造大總持寺秋八月辛丑詔以三臺宮爲大興聖寺

後主本紀曰天統二年春三月乙巳太土皇帝詔以三臺施興聖寺三年春正月鄴宮九龍殿災延燒西廊

歷代帝王宅京記卷十一

五

朱氏槐廬校刊

四年夏四月辛未鄴宮昭陽殿災及宣光瑤華等殿五年春正月辛亥詔以金鳳等三臺未入寺者施大興聖寺

帝承武成之奢麗以爲帝王當然乃更增益宮苑造偃武修文臺其嬪嬙諸院中起鏡殿寶殿瑋瑁殿丹青彫刻妙極當時所愛不恒數毀而又復夜則以火照作寒則以湯爲泥百工困窮無時休息

后妃傳曰後主爲曹昭儀別起隆基堂極爲綺麗隋書食貨志曰天統中毀東宮造修文偃武隆基嬪嬙諸院起玳瑁樓又于遊豫園穿池周以列館中起三山構臺以象滄海并大修佛寺勞役鉅萬

後周

周書武帝本紀曰建德六年正月辛丑詔曰偽齊叛渙竊有漳濱世縱淫風事窮彫飾或穿池運石爲山學海或層臺累構槩日凌雲以暴亂之心極奢侈之事有一於此未或弗亡朕菲食薄衣以安風教追念生民之費尙想力役之勞方當易茲弊俗率歸節儉其東山南園及三臺可並毀撤瓦木諸物凡入用者盡賜下民山園之田各還本主

靜帝本紀曰大象二年秋八月移相州於安陽城鄴城

及邑居皆毀廢之

時初平尉遲迴

水經注曰鄴本齊桓公所置也故管子曰築五鹿中牟

歷代帝王宅京記卷十一

六

宋氏槐廬校刊

鄴以衛諸夏也後屬晉魏文侯七年始封此地故曰魏也漢高帝十二年置魏郡治鄴縣王莽更名魏城後分魏郡置東西部都尉故曰三魏魏武又引漳流自城西東入逕銅雀臺下伏流入城東注謂之長明溝也渠水又南逕止車門下魏武封於鄴爲北宮宮有文昌殿溝水南北夾道枝流引灌所在通漑東出石竇下注之滹水故魏武登臺賦曰引長明灌街里謂此渠也石氏子文昌故殿處造東西太武二殿於濟北穀城之山採文石爲基一基下五百武直宿衛屈柱屈柱似是屋柱之僞跌瓦悉鑄銅爲之金漆圖飾焉又徙長安洛陽銅人置諸宮前以華國也城之西北有三臺皆因城爲之基巍然崇舉

其高若山建安十五年魏武所起其中曰銅雀臺高十丈有屋百餘間臺成命諸子登之並使爲賦陳思王下筆成章美捷當時亦魏武望奉常王叔治之處也昔嚴才與其屬攻掖門修聞變車馬未至便將官屬步至宮門太祖在銅雀臺望見之曰彼來者必王叔治也石虎更增二丈立一屋連棟接榱彌覆其上盤迴隔之名曰命子窟又於屋上起五層樓高十五丈去地二十七丈又作銅雀於樓巔舒翼若飛南則金雀臺高八丈有屋一百九間北曰冰井臺亦高八丈有屋一百四十間上有冰室室有數井井深十五丈藏冰及石墨焉石墨可書又然之難盡亦謂之石炭又有粟窖及監監疑作鹽以備

歷代帝王宅京記卷十一 七

宋氏槐廬校刊

不虞今窖上猶有石銘存焉左思魏都賦曰三臺列峙而崢嶸者也城有七門南曰鳳陽門中曰中陽門次曰廣陽門東曰建春門北曰廣德門次曰廐門西曰金明門一曰白門鳳陽門三臺洞開高三十五丈石氏作層觀架其上置銅鳳頭高一丈六尺東城上石氏立東明觀觀上加金博山謂之鏘天北城上有齊斗樓超出羣榭孤高特立其城東西七里南北五里飾表以博百步一樓凡諸宮殿門臺隅雉皆加觀榭層巖峻宇飛檐拂雲圖以丹青色以輕素當其全盛之時去鄴六七十里遠望苕亭巍若仙居魏因漢祚復都洛陽以謙爲先人本國許昌爲漢之所居長安爲西京之遺迹鄴爲王業

之本基故號五都也今相州刺史及魏郡治漳水自西門豹祠北逕趙閱馬臺西基高五丈列觀其上石虎每講武于其下升觀以望之虎自于臺上放鳴鏑之矢以爲軍騎出入之節矣漳水又北逕祭陌西戰國之世俗巫爲河伯娶婦祭於此陌魏文侯時西門豹爲鄴令約諸三老曰爲河伯娶婦幸來告知吾欲送女皆曰諾至時三老廷掾賦斂百姓取錢百萬巫覡行里中有好女者云是當爲河伯婦以錢三萬聘女沐浴脂粉如嫁狀豹往會之三老巫掾與民咸集赴觀巫嫗年七十從十女弟子豹呼婦視之以爲非妙令巫嫗入報河伯投巫於河中有頃曰何久也又令三弟子及三老入白並投

歷代帝王宅京記卷十一

八

朱氏槐廬校刊

於河豹磬折曰三老不來奈何復欲使廷掾豪長趣之皆叩頭流血乞不爲河伯娶婦淫祀雖斷地留祭陌之稱焉又慕容儁投石虎尸處也田融以爲紫陌也趙建武十一年造紫陌浮橋於水上爲佛圖澄先造生墓於紫陌建武十五年卒十一月葬焉卽此處也漳水又對趙氏臨漳宮宮在桑梓苑多桑木故苑有其名三月三日及始蠶之月虎帥皇后及夫人採桑於此今地有遺桑墉無尺雉矣

光緒歲在著雍困敦春月吳縣朱記榮槐廬家塾校刊
歷代帝王宅京記卷十一終